


www.BibleForChildren.org



John 14




Uma qa hin unañway'yuñwni, uma God aw
tuptsiwni'yuñwa; uma piw inumi tuptsiwni'yuñwni.
Inay kīyat ep yeyespi qaöwíewa, pi as qa pantaqw soon
nu umuy qa āawnani. Nu umuñem qenitato. Noqw nu
ahpiynen umuñem qenite', nu piw añqwni; nen umuy
nāmi ökínani; noqw
nuy háqamniqw
uma piw
pepyani.



Nu' John, umuhpava, pu umuhsuñwa, umún Jesus Christ eñem hihta añ kānavota; put eñem hihta añ nakwhani'ta; piw umún put amum


oñw'iwtani. Nu pāñaqw tutskwat kuytaqat




Patmos yan mātsiwhqat ep qatu, God lavaiyat ep'e, pu Jesus Christ yuaataqey ep'e.




Noqw pahsat pay nu Hikwsit akw tuyqawiwkañw
ōveqatsit ep moñw'atsvewat aw yori. Noqw hak ep
tsokiwta.




Noqw nu navotq sohsoy hihtu ōveqatsit ep yesqam,
pu tūwaqatsit aṇ'a, pu tūwaqatsit atpikaqee, pu
pātuwaqatsit aṇqe'yaqam, pu
sohsoy hihtu paṇqe' taṇawtaqam
paṇqaqwa: Itam God
moṇw'atsvewat ep qátuhqat, pu
Mañat, pumuy tayawintota, pas
kaptsilalwa, piw
pas hihtalalwa.
Puma hapi-sa
ōqalat pasiwta,
yūmosa
aqwhaqamii.




Noqw nu' John, wuhkokitsokit pas pavan hímunihqe qahováriwtaqat ōñaqw God añqw hawtoqw aw tātayi. Noqw pam Jerusalem Pūhunihqə yan mātsiwa. Pam mömö'wiqa puwsuñwayniqat aw hin yuwsí'tañwuqat pan sóniwa.




Noqw hakiy a'nö tōnaat ōñaqw pañqawhq nu navota;
noqw yan lavayhti: Meh, God kīat sinmuy amumum
yanta; noqw pam pumuy amumum qátuni; noqw puma
put sinomatni; noqw God pas nāp pumuy amumum
yantani; nen pumuy Tutuyqawhqaamni.




Pu hoñviaya kwanw'ewakw mūnat hakiy
taytoynañwuqat inumi mahtaknaqw, pas ruhpit an
suyan talni'ta. Pam God-nikañw pu Mañat, pumuy
moñw'atsvewayat añqw mūna, Wuhkokitsokit ep kitpik
nahsavaqee.



Pu kitsóki pay tāwat qa hakni'ta, piw mūyawuyu, aw
talni'taniqata. Pi God lolmat tālawñwaat aw talni'ta, pu i'
Maña pep put aw tāla.



Pu pas soon himu hihta itséhe'tañwuqa pañso pákini,
pu piw hihta tuyoy'ewakw tumalay'taqa, pu
atsátañwuqa. Pay pas ima
Mañat qatsítutuveniyat
añ túñwniam
pey'yunqam-sa hapi
pañso yuñni.




Pu God pumuy posvalayamuy sohsok
ayo hōnani. Pu mokiwu pāpu qa
háqamni; pu qahahlayhpi, pu pahki
súlawhtini; piw soon haqam pāpu himu
tūyani, pi hisatqatsi pay tūwayaq'ö.



Noqw God hihta aw qa suhtaq'ewniqw, pam pep
súlawni, ispi God-nikañw pu Mañat, pumuy
moñw'atsvewaam ep wúnuniq'ö. Noqw
God tumal'aymat put
tayawintotani. Pu puma
put pitsáñwayat aw
yorstotani. Noqw
put tuñwniat
pumuy qalkaqe
pey'yunwni.



Noqw nu yorikq pi ima so'pum aň sōqavuñwsinom, pu pavansinom God atpip hōñi. Noqw tutuveni purumhtoti. Noqw pu piw suhka tutuveni puru. Pamwa qatsítutuveni yan túñwantiwa. Noqw ima so'pum it wūhak tutuvenit aň hin pey'yuñqat put ahpiy hin yukuniwya, hinhaqam hintsatskaqey pan'i. Pu hakiy tuñwniat qatsítutuvenit ep qa pey'taqw, pam ūwiñwuy patuphat antaqat aqw tūviwñwu.



Noqw Hikwsi Mö'wit amum pañqawu: Pewyaa. Pu i' hak
navotqa Pewyaa, kítani. Pu i' hak pānaqmokiwtāqa
pewni. Pu pay nāp hak nāwaknaqa it kūyit akw
yēsiwhqat qa sisvit añqw hikwni.



Pi God sinmuy amumi pas
unañway'kañw kahkawnaqe, ōviy
pas sūkw tiy tavi, nāp hak put aw
tuptsiwhqa qa hovalniwht, qatsit
qaso'taqat himuy'vani.



Romans 3:23

Pi itam sohsoyam qaanhtotiqe God
aṇqw tayawinpit ṇastatoti.

Romans 6:23

Pi mokiwu qaanhtiput ahsatiata; noqw pay qatsi qaso'taqa
God kuwahtipuata, Itahtutuyqawhqay Jesus Christ aṇ'a.

Hebrews 9:27

Noqw pay hapi sinom sūs so'niqat pan amuṇem yukiwta.
Noqw atsva pu' God pumuy amuṇem hinwat yúkuni.

Ephesians 2:8,9

Pi uma qapēvewnayaqe, God núokwayat ahpiy ayo
nōṇakiwta. Uma qa natsviy ayo nōṇa. God hapi soñawnen
kuwahtiput umuy maqa. Kurs hak nāp hintsakpiy akw
ayo nātapni; pantaniqw pam put ep kwiviyuaatani.



Romans 10:9,10

Ason um Jesus God ahpiy mokiwuy añqw ahoy
tātayhqat pas uh'unañwpeq tuptsiwe' piw pam hapi
Tutuyqawhqanihqat pañqawe' um ayo yámakiwtani.
Pi sino unañwpeq tuptsiwe' qenivo yámakiwtani, pu
Jesus Tutuyqawhqalawe' ayo yámakiwtani.

John 3:16,17

Pi God sinmuy amumi pas unañway'kañw kahkawnage,
ōviy pas sūkw tiy tavi, nāp hak put aw tuptsiwhqa qa
hovalniwht, qatsit qaso'taqat himuy'vani. Pi God Tiy
sinmuy ayo óyaniqat ōviy put añqw tavi, sinmuy hin
yukunaniqat qa paniq'ö.



1 John 5:11-13

Noqw yan hapi God itamuy āawna: Pam itamuy qatsit qaso'taqat huyta, it qatsit put Tiyať epnihqata. Tiyať kwusi'taqa hapi qatsit kwusi'ta. Pu i' hak God Tiyať qa kwusi'taqa hapi qatsit n̄astaa. Nu hapi umuy God Tiyať aw tuptsiwni'yunqamuy amumi iit penta. Noqw uma put an̄ t̄unwantote', uma God Tiyať aw t̄utuptsiwaqe qatsit qaso'taqat himuy'vayaqey navoti'yunwni.



John 14; 2 Corinthians 5; Rev. 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Hopi Bible (hop) © 2012, Wycliffe Bible Translators, Inc.
All rights reserved.

<https://www.bible.com/bible/595/MAT.1>

©2026 Bible for Children, Inc.

www.M1914.org

www.bibleforchildren.org

